

SPRM lapor polis artikel Sarawak Report, nafi kertas pertuduhan Najib
The Malaysian Insider
August 3, 2015
Oleh Muzliza Mustafa

Suruhanjaya Pencegahan Rasuah Malaysia (SPRM) hari ini membuat laporan polis menafikan artikel yang disiarkan laman web pemberi maklumat Sarawak Report minggu lepas mengenai draf yang dikatakan sebuah kertas pertuduhan terhadap perdana menteri.

Laporan tersebut dibuat petang ini di Ibu Pejabat Polis Putrajaya oleh pegawai penguat kuasa kanan SPRM Hisham Mohd Yusoff.

Dalam laporan itu, SPRM menafikan kewujudan draf kertas pertuduhan terhadap Datuk Seri Najib Razak dan seorang lagi, dan juga menafikan suruhanjaya itu bertanggungjawab membocorkan siasatannya terhadap kes 1Malaysia Development Berhad (1MDB).

SPRM menegaskan tiada antara pegawainya yang membocorkan sebarang maklumat, sambil menambah suruhanjaya itu tiada niat untuk menggulingkan kerajaan. – 3 Ogos, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/sprm-lapor-polis-artikel-sarawak-report-nafi-kertas-pertuduhan-najib>